



UNIVERSITÄTS-
BIBLIOTHEK
PADERBORN

Universitätsbibliothek Paderborn

Specvlvm Iuuentvtis, Sive Insigniores Pveritiæ Atqve Adolescentiæ Sanctorvm

Bosendorf, Hermann

Monasterii VWestphalorvm, 1615

Iacobus Alemannus 11. Octob.

urn:nbn:de:hbz:466:1-42900

ternitatem duratura, non possunt nō omnium
esse miserrimi & infelicissimi, q̄ ad ea deuolu-
untur. Videamus nunc quęso, quid ei apud in-
feros tam multo parta labore scientia profit:
cum illic sempiterna laboret cęcitate & igno-
rantia: quid opes & copię? cum nec vna ei sup-
petat aquę gutta, qua possit æstuantis flammę
ardoribus adustam refrigerare linguam: quid
honores & delicię? cum tot nunc in omnem
ęternitatem cogatur ferre tormenta, quot in
mundo habuit oblectamenta. Vidimus cor-
pus eius summa cum ignominia in sterquili-
nio sepeliri: animam vero sulphureis flam-
mis & abominabili cruciari fętore nihil am-
bigimus. Hęc igitur serio mente pertractan-
tes, ne cum misero illo in idem barathrum
pręcipitemur, pęnitentię remedium ample-
ctamur: certi eas voces propter nos editas,
quos adhuc diuina clementia longanimiter
exspectat. His verbis cuncti ad pęnitentię
rigorem confirmati, ad euitandos diaboli la-
queos, & occasiones peccati declinandas, mun-
di utiliter deserendi consilium vnanimis ca-
piunt; & eximie sanctitatis vitam in loco, cui
Carthusia nomen, summa cum asperitate au-
spicantur.

EXEMPLVM B. IACOBI ALEMANNI

Dominicani 11. Oct., Sur. Tom. 5.

B Jacobus Vlmę celebri Germanię vrbe
honestā familia natus, patrem habuit
Theodoricum pietati apprimę deditum, &
cibi

cibi ac potus mirè temperantem : quod maxime testatur vitæ ipsius longitudo. Nam centesimum & tertium attingisse annum memorant, corpore ita recto ac firmo, vt iuuenum esse solent, vt nec baculo vteretur, nec exarmatas dentibus fauces haberet. Huius igitur præclara institutione fidei rudimenta per diligentem edoctus, atque ad officia diuina ac sacras conuersiones sollicitè adductus, ita ijs dein assuebat, vt nihil facilius aut lubentius ageret. Anno dein ætatis vigesimo quinto, impetrata à parente licentia Romam contendit. Vbi priusquam aliò diuerteret, celeberrimum toto orbe D. Petri templum inuisit : atque ibidem ab initio quadragesimæ, vsque ad Dominicam Resurrectionem commoratus, omnes intra aut extra muros Ecclesias cum incredibili animi voluptate obiuit. Postea vero Neapolim profectus Alphōso regi bellum gerenti militare decreuit. Ad eā igitur admissus militiam merere cœpit, nihil de sanctis moribus, aut pristina sua consuetudine remittens. Dumq; multis sociorum flagitijs eius offenditur animus, occasionem ex re leui ac penè ridicula, discedēdi accepit. Mos est militibus belli præsertim tempore, de rapto viuere, & frequenter prædas abigere, nec amicis parcere: ex quorum prædijs, pabula pro equis rapere, aut galinas & similia vi furtoue auferre consueuerunt. Quæ modestissimus iuuenis & alieni abstinentens vehementer detestabatur, suosque

*Delectatur
officijs pietatis.*

*Romam
pietatis
causa profectus
eiscitur.*

*Inter arma
virtutis
obseruans.*

Perditos sociorum mores increpat.

commilitones increpabat. Illi aut deridere iuuenem, & superstitionis incusare. Et quia raptis nullo pacto eum uti velle aduerterant, dolo eum circumuenere. Itaque oleo è synagoga Iudaica, ac caulibus aliundè furtim acceptis olus benè conditum Iacobo sui commilitones inscio apponunt: cumque illum hoc cibo delectari vidissent, risere conuiuæ; Tum ille risus causam sollicitè percontatus, audit brassica se vesci ex horto quodam surrepta, & oleo Iudaicæ lampadis condita. Ea re grauissimè offensus Iacobus, & impetrata abeundi facultate, castra deserens Capuam peruenit. Vbi nactus est Campanum ciuem, virum sanè præclarum, iuriconsultum & equitem. Qui vbi iuuenem conspexit forma præstanti, & ex egregia morum compositione ingenuam indolem probitatemque comperisset, hortatur ut suo contubernio uti velit. Annuit ille, & apud eum quinquennio *Vita integra.* tanta fide ac morum integritate versatus est, ut eum patronus æquè ac filium diligeret atque tractaret. Deinde vero cum nimio parentis desiderio in patriam cogitaret, nec à patrono suo abeundi licentiam obtinere posset, habita prius ante crucifixi imaginè, quam in cubiculo habebat diligenti oratione, & pecunijs ac vestibus quas à patrono acceperat derelictis Bononiam concessit. Ibi vero hortatu quorūdam comitum suorū aliquantū demoratus, & ad tractanda arma denuo inductus, incre-

*Pudicitia
nunquam
temerata.
Carnis ma-
ceratio.
Sensum cu-
stodiam.*

Fuga orij.

*Tentationi
prudenter
occurrit.*

incredibilem ex monasteriorum frequen-
tatione ac præsertim ædis Diui Dominici, in qua
vt plurimum versabatur, accepit voluptatem.
Atq; ita ad Christi castra se trãserens, summa
cum humilitate B. Dominici institutum am-
plexus est: & dedicatam Deo pudicitiam vsq;
ad vitæ exitum ita seruauit, vt nihil eo purius
ac mundius conspiceretur. Nam præterquam
quòd suum corpusculũ asperrimè domabat,
vigilijs quoque, orationibus, ieiunijs, & alijs
multis macerabat modis: oculos suos diligen-
tissimè custodiebat, ne quid intuerentur quod
ad libidinem prouocaret, atq; ob eã rem nun-
quam otiosus erat. Nunquam illum sine nego-
tio dies, nunquam nox inueniebat. Quod si
quãdo egredi in publicum cogebatur, impen-
se Deum rogabat, vt se custodiret, & suas auer-
teret oculos ne vanitatem cernerent. Quod si
quando vestigium forte aliquod libidinum
excitabatur, continuo Christi cruciatus innum-
merabiles ad memoriam reuocabat: quo qui-
dem tanquam subito imbre, illud quicquid e-
rat incendij restinguebatur.

EXEMPLVM B. OFF. CONFESSO-
ris, filij Sigeri Regis orientalium Saxonum in Anglia,
habetur in vita S. V. Vilfridi Epif. Eboracen-
sis authore V. Beda, 12. Octob.

Sur. Tom. 5.

ANno Imperij Hofredi quarto, Coënre-
dus, qui regno Merciorum nobilissimè
tem-